

REFERAT TAA - Teknikkeqarnermut Avatangiisinullu Ataatsimiititaq d. 04-11-2024

Mødedato Mandag d. 04. november 2024 kl. 17:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
Kangerluarsussuarmi aalisarnissamut akuersissut, Nuup kujataani.....	8
Kommunimut 2036-mut pilersaarutissatut siunnersuutip tamanut tusarniutigineqarnera.....	11
Kommunimut pilersaarummut tapiliussatut siunnersuut 2B5-2 Qeqertat Avannaatungaani pillugu ta	14
Kommunimut pilersaarummut tapiliussassatut siunnersuut Nunaannarmut pilersaarut 2-3 pillugu ta	17
Immikkoortumut pilersaarutit siunnersuut 1C9-1 Kujallerpaat pillugu tamanut tusarniaaneq.....	20
Naluttarfik Malik naluttarfimmik nutaamik ilallugu allineqarli.....	23
Suliap pilersaarusioneqarnissaanut qinnuteqaatip inaarutaasumik akuersissutigineqarnera.....	27
Kangilinnguani / Ivittuuni kommunep pigisaanik iluarsaassinerup misissuiffigineqarnissaa pillugu s	32
Imaqarniliap akuerineqarnera.....	35
Tamalaat.....	37

Punkt .: Saqqaa

Ilaasortat:

Justus Hansen (D), siulittaasoq

Uju Petersen (IA)

Naya Pedersen Lyberth (IA)

Peter Davidsen (S)

Storm Ludvigsen (S)

Beslutning

Ataatsimeeqataasut:

Justus Hansen (D), siulittaasoq, attaveqaatitigut peqataavoq

Uju Petersen (IA)

Naya Pedersen Lyberth (IA)

Peter Davidsen (S)

Storm Ludvigsen (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput nal. 14.07

Punkt .: Nalunaarutit

Beslutning

Nalunaaruteqanngilaq.

Punkt 1: Kangerluarsussuarmi aalisarnissamut akuersissut, Nuup kujataani

Beslutning

Inassuteqaat amerlanerussuteqartunit akuersissutigineqarpoq, allaffeqarfimmullu piumasaqaatigalugu pilersaarummut toqqammavissaliortoqassasoq.

Ikinnerussuteqartutut Siumumit oqaaseqaat:

Suliap tusarniutigineqarnissaa Siumumit akuerineqarpoq, sumiiffiit pingasut ataatsikkut akuersissutigineqarnissaat itigartillugu.

Bilag

Sumiiffiit qinnuteqarfiusut sumiiffii

Kangerluarsussuarmi aalisarnissamut akuersissut, Nuup kujataani

Pilersaarummut tunngavissap aallartinneqarnissaa pillugu apeqquteqaat

Aalajangiiffigisassaq

SagsID.: EMN-2024-03450

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. immikkoortumi pineqartumi akuersissummik tamanut neqeroortitsinissamut periarfissiisumik pilersaarummut tunngavissap aallartinneqarnissaa pillugu akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut ilisimatitsissutitut, kiisalu Kommunalbestyrelsimut ilisimatitsissutitut ingerlateqqineqassasoq

Suliassamik saqqummiussineq

Ingerlatsivimmi Kangerluarsussuarmi Nuup Kujataani (ilanngussaq 1 takuuk) kuunni pingasuni issittup eqaluinik qissattaammik aalisarnissamut soqutiginnittumit akuersissuteqarfigineqarnissamik qinnuteqaammik tigusaqartoqarpoq. Inuussutissarsiornermut, Niuernermut, Aatsitassanut, Inatsisit Atuutsitsinneqarnerannut Naligiissitaanermullu Naalackersuisoqarfik akuersissummik tunniussitinnagu, kommune kommunimut pilersaarummut tamanna kommunimut pilersaarummut tapiliussatut/illoqarfiup ilaanut pilersaarutitut periarfissangortissavaa.

Akuersissuteqarfimmi innuttaasut angalaarsinnaapput aalisarlutillu, inuussutissarsiutigalugu aamma sunngiffimmi aalisartutut. Akuersissut ima isumaqarpoq, suliffeqarfiup kisimiilluni nunami sumiiffiup aalajangersimasup iluani takornariaqarnermut atatillugu qinnuteqaatigineqartoq nioqqutigisinnaagaa. Akuersissut assersutigalugu qissattaammik aalisarnermut piginnaatitaasumut ataatsimut tunniunneqassaaq, taamaalillunilu taanna kisimi immikkoortumi qissattaaserluni aalisarnissamik niueruteqarsinnaalissaaq. Immikkoortumi allanik ingerlataqartoqarsinnaavoq.

Ataatsimiititamit kommunimut pilersaarummut tapiliussassamut siunnersuutip aallartinneqarnissaa akuerineqarpat, taanna naalackersuisoqarfik suleqatigalugu naammassineqassaaq. Suliaq taassuma ingerlanerani qinnuteqartoq, akuersissummut atatillugu, sanaartortoqarnissaanik eqqarsaateqarnerasoq paasinarsissaaq kiisalu piumasaqaatit tassunga atatillugu suut piumasaqaataassanersut. Siunnersuut politikikkut sulliarineqarnerata kingorna tamanut sapaatip-akunnerini arfineq pingasuni tusarniaassutigineqassaaq. Kommunimut pilersaarummut tapiliussaq akuersissutigineqarpat, naalackersuisoqarfimmit akuersissuteqartitsineq naammassineqassaaq kiisalu toqqaasoqassalluni. Ingerlatsivimmit tamanna pillugu suleqatigiinnissaq sulissutigineqassaaq, tamanna aqqutigalugu attanneqarsinnaasumik ineriartortoqarnissaa qulakkeerniarlugu – avatangiisini tigussaasuni kiisalu illoqarfimmi suliffeqarfinni.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik aamma illoqarfiup ilaanut pilersaarummik suliaqartoqartillugu taanna kommunimut pilersaarummut ilaavoq, ingerlatsiviullu pilersaarusiornermut missingersuutaanut malunnaatilimmik sunniuteqassanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atornerqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq www.kp.sermersooq.gl
- Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersoq, 1. juli 2015-imi kingusinnerusukkut allanngortinneqartoq

Ilanngussat

1. Sumiiffiit qinnuteqarfiusut sumiiffii

Punkt 2: Kommunimut 2036-mut pilersaarutissatut siunnersuutip tamanut tusarniutigineqarnera

Beslutning

Inassuteqaat akuersissutigineqarpoq.

Bilag

Allannguutinit takussutissaq

Najoqqutassaq 1

Najoqqutassaq 2

Najoqqutassaq 3

Najoqqutassaq 4

Najoqqutassaq 5

Najoqqutassaq 6

Najoqqutassaq 7

Najoqqutassaq 8

Najoqqutassaq 9

Najoqqutassaq 10

Najoqqutassaq 11

Najoqqutassaq 12

Najoqqutassaq 13



2036-mut Kommunimut pilersaarutissatut siunnersuutip tamanut tusarniutigineqarnera

Aalajangiiffigisassaq

SagsID.: EMN-2023-04748

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamat inassuteqaatigineqarpoq:

1. 2036-mut Kommunimut pilersaarutissatut siunnersuut sapaatip-akunnerini arfineq-pingasuni tamanut tusarniutigineqarnissaa akuersissutigineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamat akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup Kommuneqarfik Sermersuumut Kommunimut pilersaarut nutaaq 2036 matumuuna saqqummiuppa. Pilersaarut ukiuni tulliuuttuni 12-ini kommunimi naleqquttumik attanneqarsinnaasumillu ineriartortitsisoqarnissaanut iluaqutaassaaq.

Siunnersuut Kommunimut pilersaarutip atuuttup 2032-p ilaanik iluarsineruvoq, taanna Pilersaarusiornermut periusissiaq 2023 politikikkut aalajangigaavoq pilersaarusiornertu pillugu inatsit naapertorlugu ukiut sisamakkuutaarlugit nutarterneqartartussaavoq. Kommunimut pilersaarummut nutaatut siunnersuut digitalimik uani takuneqarsinnaavoq:

<https://kp.sermersooq.gl/forslag-gl/>

Pilersaarummut tunngavioreersoq (Kommunimut pilersaarut 2032) kiisalu Pilersaarusiornermut periusissiaq 2023 tunngavigalugit Sermersuumi pingaartinneqartut nutarterneqarlutillu allaffissornikkut allannguiffigineqarput. Pilersaarusiornermut inatsit nutaaq immikkoortut ilai atornerqarnissai pillugit aalajangersakkat allaqqinneqarlutillu iluarsaanneqarnissaannik tunngavissiivoq. Peqatigitillugu pilersaarusiornermut inatsit immikkoortussanik atugassanngortitsinissamut periarfissiivoq, tamannalu ilaatigut Nuummi Kuanninnguit alliertortinneqarnissaanut atornerqarpoq. Kommunimut pilersaarut 2036 aamma digitalimik nunap assiliornertuulernermik nassataqarpoq, tamatumani qulakkeerneqarluni kommunimut pilersaarut pilersaarusiornertuup ingerlanera tamaat atorussatut atortuarneqarnissaa. Siunnersuutip allaffissornermi tunngavissaq kommunimilu sullissineq pitsaanerusoq qulakkiissavai.

Allannguutitut takussutissaaq (ilanngussaaq 1) Kommunimut pilersaarut 2036-mi allannguutit pingaarnertu imaqarpoq, Najooqutassarlu (ilanngussaaq 2) allannguutit tamanik imaqarluni.

Siunnersuut sapaatip-akunnerini arfineq pingasunik tamanut tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliqaarneq ukiumut suliarisinnaasat naatsorsornerinit marlunnut naatsorsuutaavoq.

Missingersuusiornermut Naatsorsuusiornermullu Immikkoortortamit aningaasatigut naliliineq



Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiornermut inatsit: Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarut nr. 4, 25. januaari 2024-meersoq

Ilanngussat

1. Allannguutitut takussutissaq
2. Najoqqutassaq
3. <https://kp.sermersooq.gl/forslag-gl/>

Punkt 3: Kommunimut pilersaarummut tapiliussatut siunnersuut 2B5-2 Qeqertat Avannaatungaani pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussatut siunnersuut 2B5-2 Qeqertat Avannaatungaani



Kommunimut pilersaarummut tapiliussatut siunnersuut 2B5-2 Qeqertat Avannaatungaani pillugu tamanut tusarniaaneq

Aalajangiiffigisassaq

SagsID.: EMN-2023-04401

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamat inassuteqaatigineqarpoq:

1. kommunimut pilersaarummut tapiliussatut siunnersuut 2B5-2 Qeqertat Avannaatungaani pillugu sapaatip akunnerini arfinilinni tamanut tusarniaanissaq akuersissutigineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamat akuersissutigisassanngorlugi kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 2B5-2 Qeqertat Avannaatungaani matumuuna saqqummiunneqarpoq. Kommunimut pilersaarummut tapiliussatut siunnersuut pilersaarutitut qinnuteqaammum Nunataamut, kommunalbestyrelsimut oktobarip pingajuanni 2023-mi akuersissutigineqartumut periarfissiissaaq.

Immikkoortup ilaanniipput qeqertat marluk mikisut, taakkunani kitaatungaaniittoq nunamut atavoq kujammum Qeqertat tungaannut sapuseqarluni aamma avammum Pukuffimmum ikaartarfeqarluni. Qeqertat taakku marluk akornanni ikkattumik imaqarpoq. Immikkoortup ilaa, kommunimut pilersaarummi, kujataatungaani Qeqertaniit avannaata tungaanut Niaqornannguaniittumi, Nuummi inuussutissarsiornerup ilusaani nassuiarneqartup iluaniippoq.

Pilersaarummi siunertarineqarpoq nunamik pilersitsisinnaanngornissat imarsiornermut atatillugu ilinniarfiusinnaasunut nunaminertanik pilersitsinissaq kiisalu aalisariutinut anginerusunut aalisarnermi atortunik passussinermut, inissinermut iluarsaassinissamullu immikkoortumik pilersitsinissaq.

Siunnersuut sapaatip akunnerini arfinilinni tamanut tusarniaassutigineqassaaq.


Matumani kommunimut pilersaarummut tapiliussatut siunnersuut 2B5-2 Qeqertat Avannaatungaani akuersissutigineqarneratigut kommunimut pilersaarummut tapiliussaq 2B5-1 Inuussutissarsiuqarfik Qeqertat Avannaatungaani atorunnaarpoq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussassatut siunnersuut una pilersaarummik piginnittumit sularineqarpoq. Ingerlatsivimmit pitsaassutsimik qulakkeerinnineq, siunersiuqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

Missingersuusiornermut Naatsorsuusiornermullu Immikkoortortamit aningaasatigut nalililineq

Pisariaqanngilaq.



Inatsisitigut tunngavissaq allakkallu tunngaviusumik uppersaatiillit

- Pilersaarusiornermut inatsit: Pilersaarusiorneq aamma nunaminertat atorpeqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunitum pilersaarut digitaliusoq www.kp.sermersooq.gl

Ilanngussat

1. Kommunitum pilersaarummut tapiliussatut siunnersuut 2B5-2 Qeqertat Avannaatungaani

Punkt 4: Kommunimut pilersaarummut tapiliussassatut siunnersuut Nunaannarmut pilersaarut 2-3 pillugu tamanut tusarniaaneq


Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut Nunaannarmut pilersaarut 2-3

Soqutigisaqaqatigiinnik peqataatitsineq



Kommunimut pilersaarummut tapiliussassatut siunnersuut Nunaannarmut pilersaarut 2-3 pillugu tamanut tusarniaaneq

Aalajangiiffigisassaq

SagsID.: EMN-2023-01876

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut Sanaartornermullu Ataatsimiititamat inassuteqaatigineqarpoq:

1. kommunimut pilersaarummut tapiliussassatut siunnersuut Nunaannarmut pilersaarut 2-3 sapaatip-akunnerini arfineq-pingasuni tusarniaassutigineqarnissaa akuersissutigineqassasoq
2. suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamat akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut Nunaannarmut pilersaarut 2-3 matumuuna saqqummiunneqarpoq.

Nunaannarmut pilersaarutip kommunimut pilersaarut 2036-mut tapertaassaaq, nunaannarmi sumiiffiit assigiinngitsut pillugit aalajangersakkat tunngaviusut nutarterneqartassallutik. Kommunimut pilersaarut immikkoortut ilaat nutaat sunngiffimmi illuaqqanut aasarsiortarfiillu, sumiiffiit sukisaarsaartarfiit immikkut ittut kiisalu nunaateqarfissatut, imaani atugassatut kiisalu uumasuuteqartittut atungassanngortinneqarput. Inoqarfiit inuerunnerit sukisaarsaarfittut immikkut ittutut naatsorsuutigineqalartarput. Nunap assinganut paasisutissat nutaanngortinneqarnerat tunngavigalugu nunaannarmi immikkoortut ilaanni tamani killeqarfilersuineq nutarterneqarpoq, nunaannarmilu nunap ilusaa soorlu kuuk, qaarsortat assigisaalu aallaavigineqassallutik. Nunaannarmut pilersaarutikkut aammattaaq Nuup eqqaani nunaannarmi immikkoortut ilaat pillugit aalajangersakkat nutarterneqarput.

Nunaannarmi pilersaarut tassaassaaq piujuartitsisumik piffissamut sivisuumut pilersaarusiornermut qulakkeerinnittussaq, asimi kulturimik pinngortitamillu kingornussat, asiartarfittut pingaartitat aammalu assigiinngitsunik illuaraliortoqarnissaanut periarfissat eqqarsaatigalugit.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuut nunaannarmut pilersaarummut 2-3 akuersissutigineratigut Kommunimut pilersaarummut tapiliussaq nunaannarmut pilersaarut 2-2 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.



Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaarsaatillit

- Pilersaarusiornermut inatsit: Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Kommunitumut pilersaarummut tapiliussassatut siunnersuut Nunaannarmut pilersaarut 2-3
2. Soqutigisaqaqatigiinnik peqataatitsineq

Punkt 5: Immikkoortumut pilersaarutitut siunnersuut 1C9-1 Kujallerpaat pillugu tamanut tusarniaaneq

Beslutning

Inassuteqaat akuersissutigineqarpoq.

Bilag

Immikkoortumut pilersaarutitut siunnersuut 1C9-1 Kujallerpaat



ILLOQARFIUP ILAANUT PILERSAARUT



SIUNNERSUUTIP

TUSARNIUTIGINEQARNERA

1. IISA/IAA
2. AIA

AKUERSISSUTIGINIINNEQ

1. IISA/IAA

2. AIA
3. KB



Immikkoortumut pilersaarutit siunnersuut 1C9-1 Kujallerpaat pillugu tamanut tusarniaaneq

Aalajangiiffigisassaq

SagsID.: EMN-2022-09340

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartormullu Ataatsimiititamut inassuteqaatigineqarpoq:

1. Immikkoortumut pilersaarutit siunnersuut 1C9-1 Kujallerpaat sapaatip-akunnerini arfineq-pingasuni tamanut tusarniaassutigineqarnissaa akuersissutigineqassasoq
2. suliap tamanut tusarniaassutigineqarnissaa siunertaralugu Aningaasaqarnermut Inuusutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit immikkoortumut pilersaarutit siunnersuut 1C9-1 Kujallerpaat matumuuna saqqummiunneqarpoq. Kommunimut pilersaarummut tapiliussat siunnersuut 1A1-6 siusinnerusukkat tamanut tusarniutigineqarpoq, tusarniummullu akissuteqaatit siunnersuutillu kommunimut pilersaarut 2036-kkut tiguneqartut tunngavigalugit annertuumik allannguisoqarpoq. Taamaattumik ingerlatsivimmit innersuussutigineqarpoq, kommunimut pilersaarummut tapiliusaaq kingumut tamanut tusarniutigineqassasoq.

Allannguutit makkuupput:

- immikkoortup ilaata A-inissiaqarfimmiit C-illoqarfiup qeqqani siunertanut allanngorneratigut hostelinik atuuffinnillu allanik illoqarfiup qeqqani siunertanut pilersitsisoqarsinnaanngussaaq.

Immikkoortup ilaanut kommunimut pilersaarut 2036-itut siunnersuummi pingaarnertut aalajangersakkat allanngortinneqassapput, taamaalilluni siunnersuut matumani pineqartoq immikkoortumut pilersaarut pilersaarusionermut inatsit naapertorlugu sukumiisunik aalajangersagartalerneqassalluni. Immikkoortup ilaa Nuup kujataatungaani Paassaasiviup aamma Imarpikkoortatitut umiarsualiviup akornanni inissisimavoq. Immikkuualuttunut tunngasortaanut allannguutituarissavaa immikkuualuttoq A-mut aamma immikkuualuttoq B-mut ilaatinneqalernerat. Immikkuualuttoq B-mi sanaartorfissat pingasut katinnerisigut sanaartorfissamik annertujaamik atugassanngortitsisoqassaaq. Sanaartorfissaq periarfissaalersinnaaqullugu aqquuserngit Svend Jungep Aqquusernga aamma Sipisaq Kujallerup allanngortinneqassaat periarfissaalissaaq. Tamanna pisinnaaleqqullugu immikkoortup ilaa 1C9-mi killeqarfilersuineq allanngortinneqassaaq. Immikkuualuttoq A-mi B-milu sanaartorfissat pioreersut aalajangersakkallu tassunga tunngasut nutarterneqassapput.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani immikkoortumut pilersaarutit siunnersuut 1C9-1 Kujallerpaat akuersissutigineratigut Kommunimut pilersaarummut tapiliusaaq 1A1-5 Kujallerpaat, Nuuk atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaannik nalunaarut nr. 4, 25. januar 2024-meersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Immikkoortumut pilersaarutitut siunnersuut 1C9-1 Kujallerpaat

Punkt 6: Naluttarfik Malik naluttarfimmik nutaamik ilallugu allineqarli

Beslutning

Siunnersuut missingersuutit pillugit isumaqatiginninniarnermi ilanngunneqassaaq.

Bilag

Missingersuut

Planche



Naluttarfik Malik naluttarfimmik nutaamik ilallugu allineqarli

Innuttaasumit siunnersuut

Aalajangiiffigisassaq

SagsID.: EMN-2024-01615

Suliffeqarfiup iluani Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfiup iluani Kiffartuussivimmit Illoqarfimmik Ineriartortitsinermut Sanaartornermullu Ataatsimiititamut inassuteqaatigineqarpoq:

1. innuttaasumit siunnersuut oqaluuserineqassasoq ingerlariaqqinnissarlu aalajangiiffigineqassasoq
2. suliaq Aningaasaqarnermut Inuusutissarsiornermullu Ataatsimiititamut aalajangiiffigisassanngorlugu ingerlateqqinneqassasoq

Suliassamik saqqummiussineq

Innuttaasumit siunnersuut "Naluttarfik Malik naluttarfimmik nutaamik ilallugu allineqarli" 250-it sinnerlugu taaneqarpoq (ulloq 24. maaji, taasinerit 343-t), taamaattumillu politikikkut oqaluuserineqassaaq. Innuttaasumit siunnersuut Meeqqanut Ilaqutariinnut Atuarfeqarnermullu Ataatsimiititami suliarineqarnissaanut ingerlateqqinneqarportaaq. Siunnersuuteqartup naluttarfimmut nutaamut titartakkanik siunnersuutai ilanngussaq 1-imi takukkit. Innuttaasumit siunnersuut ima allassimavoq:

Naluttarfiup nutarterneqarnerata nalaani naluttarfiup matuneqarnera pinngitsoortinneqarli.

Ukiut 20-t pioreerluni naluttarfik Malik maanna annertuumik nutarterneqartariaqalerpoq.

Tassungalu atasumik naluttarfik qaammaterpassuarni (immaqa ukiuni) nutarnerinermik suliamut atasumik matoqqasussanngortoq pilersaarutigineqarluni.

Naluttarfimmik atuisut amerlasuut piffissami sivisuumi naluttarfiup allineqarnissaanik kiisalu naluttarfimmi atorneqarsinnaasut nutarsarneqarnissaannik kissaateqarsimapput.

Naluttarfik Malik Nuummi innuttaasunit amerlasoorpassuarnik katersuuffiuvoq. Naluttarfimmi atorneqarsinnaasut innuttaasunut tamanut siunertaqarput inoorlaanit soraarnerussutisialinnut. Naalungiarsunnut nalunnguarneq, atuartut nalunnguarnerat, naluffissami siumut utimullu nalunnguarneq, nipaatumu nalunnguarneq, tingisaarneq, imermi arsaanneq, imermi qajartorluni arsaanneq, imermi eqaarsaanneq, sauna, aalartinneq, helsekabinit allarpassuillu neqeroorutaapput. Aammattaaq Nuuk Kalaallit Nunaanni illoqarfinni kisiartaalluni naluttartut peqatigiiffiannik anguniagaqarluartunik ingerlatsiffiuvoq. Tassani inuusuttut katersuuttarput ikinngutigiuullualerlutik, timersuutitut ilungersuussillutik nalunnermik sapaatip-akunneranut arlalippassuariarlutik sungiusartarput. Ilami ima nalloritsigipput allaat nunat tamalaat akornanni unammuaarnerni Kalaallit Nunaat sinnerlugu sassartuusarput, kusanarluinnartunik angusaqartarnertik tunngavigalugu Kalaallit Nunaannut ujaminnattaaminnik angerlaassuisarlutik. Naluttarfik piffissami sivisunerusumi matuneqassappat, inuusuttorpasuit nalunnermik timersuutiminnik sungiusarfissaarutissapput timersuutiminnillu aallussisinnaajunnaarlutik. Taamaattumik aaqqiissutissanik ujaasisoqartariaqarpoq inuusuttut timersuummik aallussinerminnik annaasaqassanngippata.

Nuummi sunngiffimmi neqeroorutitut toqqagassat soorluttaaq meeqqat inuusuttullu ornittagaat amerlanngillat. Amerlasoorpassuit naluttarfiup ammanerani ikinngutitik peqatigalugit naluttarfimmiittarput, saniatigut nukissaminnik tassani atorluaasaqalutik. Naluttarfik inuppassuarnut



naapittarfiuvoq inooqataanermi attaveqaqatigiinnermut pingaaruteqartorujussuaq. Nunami immamik avatangiiseqartumi najugaqartuugatta nalunermik ilinniarneq inuunermut pingaaruteqarlunnartuuvoq.

Naluttarfik ukiumut 167.000-eriarluni atorveqartarpoq imaluunniit sapaatip akunnerata ulluini tamarluinnarni ullormut 500 missaannik atorveqartarpoq.

Taamaattumik naluttarfik Malik Nuummi ornitassatut pingaaruteqaqaaq kajumigineqartuullunilu, matuinnarneqarsinnaanngitsoq.

Alliliinissaq pilersaarutaasoaq.

Kommuneqarfik Sermersuup ukiut 20-t sinnerlugit naluttarfiup kujataani nunaminertaq naluttarfimmu siunissami alliliissutaasusaaq aalajangiusimasimavaa. Nunaminertaq taanna atorlugu naluttarfik Malik allilerneqarsinnaavoq naluffissamik nutaamut periarfissamik atuilluni. Naluttarfiup taassuma nunani tamalaani siumut utimullu naluffissanut piumasaqaataasut naapertorlugit suliarineqarnissaa siunnersuutigineqarpoq, taannalu naluttarfioqqaartup nutarternerata nalaani atorveqarsinnaassaaq. Taamaaliornikkut naluttarfiup matuneqarnissaa pinngitsoortinneqassaaq. Taavalu naluttarfioqqaartoq nutarterneqareerluni ammaqqinneqarpat naluttarfeqalissaagut nunani tamalaani naluttarfinnut piumasaqaataasunik naammassinnittumik soorluttaaq ullutsinnut naleqquttumik. Ukiorpasuumi siumut utimullu nalunneq naluttarfimmi pinnguartarfimmu aporaaffiusarpoq. Naluttarfik allineqarpat siumut utimullu naluttarfik aamma naluttarfimmi pinnguartarfik naluttarfinni immikkoortuni marlunnut immikkoortinneqarsinnaalissapput.

Nunani tamalaani siumut utimullu naluttarfiit uuttuutaat.

Naluttarfik Malik nunani tamalaani siumut utimullu naluttarfiit unammiffiusartut assigalugit naluffissalerlugu sanaajunngilaq. Tamanna isumaqarpoq maannakkut naluttarfiusumi nunat tamalaat nalunnguarlutik unammiaarnerannik maani ingerlatsisoqarsinnaanngitsoq.

Piffissaq ungasinngitsoq qaangiuppat Nuummi nunat tamalaat akornanni mittarfeqalernissatsinnut atatillugu takornarianut misigisassatut neqeroorutit amerlanerusut aningaasaliiffiginissaat pisariaqartinneqalissaaq. Matumani naluttarfik pitsassuaq nutaaq Nuummi misigisassatut pitsaasutut neqeroorutaasinnaassaaq.

Nuummi takornariaqarnermut aamma pitsaassaaq sila atoruminaatsillugu illup iluani sammisassanik neqerooruteqarsinnaagutta. Soorluttaaq Nuuk nunat tamalaat akornanni nalunnguarluni unammiaarnerni qaaqquisuusinnaalissaaq. Unammiaarnerit taamaattut akuttunngitsumik ingerlanneqartarput, unammiaarnernilu taamaattuni naluttartorpassuit taakkualu ilaqutaat peqataasarput.

Tamanna suliffeqarfinnik pilersitseqaataasinaavoq soorluttaaq hotelini, neriniartarfinni, angallassinermi il.il. kaaviiartitsinernik pilersitsisinnaassaat.

Aningaasaqarneq.

Naluttarfimmik immikkoortumik nutaamik pilersitsineq akikitsuinnaanngilaq. Kisianni Nuummi naluttarfimmik atuisut inuppassuit tamaasa kisikkaanni, taava naluttarfimmik immikkoortumik naluttarfimmi piumsumik iluarsaassinermit aningaasanik illuartitsisoqarsinnaasariaqarpoq. Malik pilersinneqarmat Nuummi innuttaasut 14.500 missaanniipput. Ullumikkut innuttaasut 20.000-init amerlanerupput ukiullu tamaasa suli amerliartorlutik.

Ilanngullugu namminersortut aningaasaliisuusinnaanerat eqqarsaatigineqarsinnaasariaqarpoq. Nuummi suliffeqarfiit soqutigisinnaavaat namminneq suleqatimik Nuummi nalerisimallutik atugarissaarnissaat. Aammattaaq aningaasaateqarfinnut qinnuteqartoqarsinnaasariaqarpoq.



Nuummi illoqarfiit pingaarnersaanni naluttarfimmik nutaaliaasumik nunani tamalaani naluttarfinnut piumasaqaatinik nallersuunneqarsinnaasunik.

Taamaattumik neriuutigineqarpoq Naluttarfik Malik nutarterneqarluni suliarineqalenera sioqqullugu naluttarfimmik alliliisoqarsinnaaneranik kissaateqartoqarnera tapersersorneqarsinnaassasoq Piffissami taama sivistutigisumi naluttarfimmik matusiinnaarneq, peqatigiiffimmik inuusuttunillu aallussisunik annaasaqarneq periarfissaanngilaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Innuttaasunik peqataatitsinermi periusissiaq

Ilanngussaq

1. Planche
2. Missingersuut

Punkt 7: Suliap pilersaarusioneqarnissaanut qinnuteqaatip inaarutaasumik akuersissutigineqarnera

Beslutning

Inassuteqaat amerlanerussuteqartuniit akuersissutigineqarpoq (IA aamma D).

Inassuteqaat ikinnerussuteqartuniit itigartitsissutigineqarpoq (S).

Bilag

Tusarniaanermut akissuteqaatinik tiguneqartunik suliarinninneq

Tusarniaanermi akissutit tiguneqartut

Pilersaarummut qinnuteqaat Villat - Niels Hammekenip Aqqutaa

Pilersaarummik piginnittup piginnaasai

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatinik misissuinermi najoqqutassaq

Inatsisartut inatsisaat nr. 34, 9. december 2015-imeersoq

Pinngortitaleriffimmik allaqatigininneq



Suliap pilersaarusiorneqarnissaanut qinnuteqaatip inaarutaasumik akuersissutigineqarnera

Villat – Niels Hammekenip Aqqutaa

Aalajangiiffigisassaq

SagsID.: EMN-2023-00695

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Illoqarfimmik Ineriartortitsinermut

Sanaartornermullu Ataatsimiititamut inassuteqaatigineqarpoq:

1. Niels Hammekenip Aqqutaani Villat pillugit pilersaarutit qinnuteqaatigineqartoq, ingerlatsiviup sillimaffigeqqusai ilanngullugit, akuerineqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq


Sanarfinermut Avatangiisinullu Ingerlatsiviup pilersaarummik piginnittoq EMJ-Atcon Greenland A/S sinnerlugu pilersaarummik qinnuteqaat "Villat - Niels Hammekenip Aqqutaa" matumuuna saqqummiuppa. Niels Hammekenip Aqqutaani Villat sapaatip-akunnerini 14-ini, piffissami 31. maajimiit 8. septembari 2023, tamanut tusarniaassutigineqarput. Piffissami tusarniaaffiusumi akissutit 13-it tiguneqarput aamma inuit katillutik 55-it atsiorterinik katersisoqarpoq, taakkunanga arfineq pingasut immikkut tusarniaanermut akissuteqarput taakkunanga sisamat Nuummi najugaqartuunatik. Tassunga allatut pilersaarummik takkuttoqarpoq, taannali sularineqarsinnaangilaq piumasarineqartunik, allassimasunik, naammassinninngimmat, titartagartai ilanngullugit. Tusarniaanermi akissutigineqartut allallu pissutigalugit ingerlatsivik annertunerusumik innersuussaqaarusuppoq pilersaarutip akuerineqarnissaanut atatillugu.

Tusarniaanerup nalaani HHE-mi paasissutissiilluni ataatsimiititsisoqarpoq, tassunga innuttaasut 30-t missaanniittut takkupput. Pilersaarut pillugu sakkortuumik isornartorsiuisoqarpoq, aamma ingerlatsiviup ataatsimiinnermik aaqqissuussaa pillugu, isumaqartoqarmat pilersaarut akuerineqareersimasoq (ilanngussaq 1 takuuk, isornartorsiutinik suliaqarneq). Isornartorsiunerup taassuma kingunerivaa, ingerlatsivik pilersaarutissatut qinnuteqaatinut atatillugu paasissutissiilluni ataatsimiitittarunnaarniarneranik, naak tamanna ingerlatsiviup pitsaanerusumik peqataatitsinermik suliaqarneranut attuumassuteqaraluartoq.

Tusarniaanermut akissutigineqartut immikkoortumi najugalinneersuunerupput. Qulequttanut ukununnga immikkoortiterneqarput:

- Sukisaarsarfittut pingaartinneqartut, uumasut innuttaasullu atuinerat ilanngullugit.
- Aqqusineqarnermut tunngasut, pingaartumik sanaartornerup nalaani.
- Nuup alliartuinnarneranik eqiterutsitsinerlu pillugit nalinginnaasumik ernumassuteqarneq.
- Ingerlatsiviup pilersaarutit qinnuteqaammik suliaqarneranik isornartorsiuneq.

Ingerlatsivimmit immikkoortut siulliit marluk pillugit suliniummik piginnittoq Pinngortitaleriffillu oqaloqatigineqarput. Siulleq pinngortitap assigiinngisitaarnera pillugu immikkoortup ataani itisilerneqarpoq.



Immikkoortoq aappaanut tunngatillugu pilersaarummik piginnittoq Nuukullammiit immikkoortup tungaanut sulinermut atatillugu aqqusinniorniapoq. Taamaalilluni Niels Hammekenip Aqqutaani qamutit motorillit oqimaatsut ingerlasassanngillat. Tamatumali kingunerissavaa Nuukullaap kujataata tungaani akunnittarfissap sanaartornissaata kinguartinneqarnissaa, soorlu Nuummi akunnittarfiit inissisimaffissai pillugit suliami taaneqartutut (politikkikkut 2023-p naalernerani suliarineqartoq)

Sanaartugassatut pilersaarut

Pilersaarummumut qinnuteqaammik siunnersuutigineqarpoq najugaqarfimmi aqqusinioreersumi Niels Hammekenip Aqqutaanit kujammumut ilanissaa siunnersuutigineqarpoq, taanna katillugit 1920 m² inissiaqarfissaq ilaqutariinnut ataatsinut illunut qulinut agguataarneqassasoq. Taakku saniatigut pinnguartarfik anginngitsoq, biilinit inissiivik kiisalu sissaq sinerlugu aqut pilersinneqassapput. Pilersaarutit siunnersuut immikkoortumi 1D3, Nuup Kujammumut sineriaa aamma Saqqarlerni inissisimavoq, immikkoortoq ullumikkut sanaartorfiusussaannngitsutut inissisimavoq sukumiisumik aalajangersaaffigineqanngitsoq.

Ingerlatsivimmit pilersaarutit siunnersuummik naliliineq:

Illoqarfiup pingaarnertut pilersaarusiorneqarnera

Pilersaarut kommunip immikkoortumut tassunga periusissiaanumut naapertuulluaroq. Inissiat pillugit pilersaarut 2021-mi Ingerlatsiviup siusinnerusukkut Niels Hammekenip Aqqutaani ilaqutariinnut ataatsinut illuliorfissatut alliliivigineqarsinnaasutut taavaa. Taamaattoq oqaatigineqassaaq pilersaarut quassukkap qaaniimmat sineriammi nuannarineqartumiilluni, pilersaarullu piviusunngussappat tamatumaa isikkua allanngussaaq. Tikikkuminarsissaaq sissaq sinerlugu aqquutiliortoqarpat sumiiffimmilu amerlanernit sukisaarsaarfiusinnaanera pitsaanerulissalluni. Aamma illoqarfik atanilerneqassaaq, taamaalilluni Sanap ataani kangerliumanermit Nuukullammumut pisuinnarnut aqquteqalissaaq. Pilersaarut pillugu ingerlatsiviup oqaatigivaa tamanna illuatungaatigut sukisaarsarfittut naleqarneranik ajornerulersitsissasoq, immikkoortoq annertunerusumik sanaartorfiusammatt sissaq sinerlugu aqut tikinneqaqquusaanngitsutut misinnarsilluni. Taamaattumik tamanut aqqusineeraq atassusiisoq pilersaarutit ataatsimut nalilerneqarnissaanut pingaaruteqarpoq.

Illuliortaatsimut taaguutit pingaarnertut

Niels Hammekenip Aqqutaanit kujammumut talliliiffissaatut siunnersuutigineqartoq quassukkap qaani sanguneqarpoq. Aqquserneq illugiissillugu ilaqutariinnut ataatsinut illut qulit inissinneqassapput. Illut tamarmik kujammumut kimmumut sammiveqarput illut pioreersut tamaaniittut assigalugit, avissaanganerulaassallutilli, tassa qaqqamut naleqqussagaallutik inissinneqassammata. Illulioriaatsit assigiinngitsut pingasut atornerarput, nunataa assigiinngitsut atorluarlugu. Taakku 165 m², 190 m² aamma 235 m²-inik annertussuseqarput. Ingerlatsivimmit nalilerneqarpoq inissiat nunamut tassaniittumut tulluurtuusut eqqaanilu illuliat angissusaannut naapertuullutik. Peqatigitillugu pilersaarutit siunnersuutit Niels Hammekenip Aqqutaaniit immap tungaanut isikkiviereersooq sapinngisamik sunnerneqannginnissaa anguniarpaa.

Inunnut sukisaarsarfinnullu tunngasut



Pilersaaruseriorfimmil pinnguartarfiliortoqassaaq tamaani najugalinnut ataatsimoortitsisumik. Taakku saniatigut sissaq sinerlugu aqqutiliortoqassaaq sukisaarsarfinnik attaviliisumik Nuummilu innuttaasunut amerlanernut naleqalersitsisumik.

Pinngortitap assigiinngiiaartuunera aamma silap pissusaanut naleqqussaaneq

Pilersaarummi illut akornanni nuna naasullu pioreersut attatiinnarnissaat anguarneqassaaq. Taamaattorli biilit unittarfinut aqqusinerullu nunniortoqassaaq. Tusarniaanerup nalaani immikkoortumi timmiaqarluarnera pillugu saqqummiussisoqarpoq. Tamanna pillugu ingerlatsiviup Pinngortitaleriffik isumasiorpaa, taannalu itisiliivoq immikkoortoq nattoralinnit miternillu mitsimmavigineqartarnera pillugu. Nattoralit kujataatungaata sinneraniit tamaani takussaanerulersimapput, tamanna Sanap ataani kangerliumarnaniit kimmullu angallaffiunnginnerummat. Nattoralit sanaartortoqalerpat angallattoqalerpallu immikkoortunut allanut nuussapput. Meqqit sanaartorerup nalaani tammassasut ilimantarluinnarpoq, naatsorsuutigineqarporli uteqqinnissaat.

Inerniliineq

Ingerlatsivimmit nalilernerqarpoq pilersaarutitut siunnersuut illussanik titartaanermik pitsaasumik tunniussaqaassasoq, illoqarfiup immikkoortuanut najugaqartunullu nuannaarutaasussanik. Naak pilersaarummi quassugaq sukisaarsarfigissallugu ornigineqarluartoq ilanngunneqarluartoq, sissaq sinerlugu aqqutip ingerlateqqinneratigut illoqarfiup ilaa ataqatigiinnerusoq anguneqassaaq, sukisaarsarfittut imaq sinerlugu sammisassat tikikkuminarnerulerlutik. Pilersaarut akuersissutigineqassappat Ingerlatsivik pingaarutilinnik ilanngunneqartariaqartunik tulliuuttumi imaattumik oqaaseqaatissaqarpoq:

Ingerlatsiviup oqaaseqaatai:

- Sissaq sinerlugu aqut sananeqassaaq aamma pilersaarummik piginnittumit akilernerqarnissaa piumasaqaataassaaq.
- Niels Hammekenip Aqqutaata aamma sissaq sinerlugu aqqutip akornatigut atassusiisoqassaaq, pinnguartarfigit aqusaarsinnaavaa, taamaalilluni aamma sissaq sinerlugu aqqummiit tikinneqarsinnaalissaaq, aqqusinerminngaanniiginnarani.
- Kommunimut pilersaarummut tapiliussassami aputaajaasarneq, sialummit apummillu aattumit imeq isumagineqarnissaannut piumasaqaateqartoqassaaq.
- Pilersaarummik piginnittup sanaartorerup ingerlanerani motorilinnik angallassissutit angalanerat aamma nipiliorneq annikillisittassavaa piffissami nal. 15.00-ip aamma 08.00-ip akornanni.
- Pilersaarummik piginnittup pisussaaffigivaa sanaartornermi aqut Nuukullammeersoq, angallannermut aamma Niels Hammekenip Aqqutaani najugalinnut oqilisaassisussaq, pilersissallugu.
- Pilersaarummik piginnittup pisussaaffigivaa immikkoortumi kuuffissuit pitsanngorsarneqarnissaat pillugu kommunimik suleqateqassalluni, inissianut allanut attaviliisoqarsinnaalersillugu.

Ingerlatsivimmit aningaasatigut sulisoqarnikkullu naliliinerit

Ingerlatsivimmit oqaatigineqarpoq pilersaarummik piginnittup kommunimut pilersaarummut tapiliussassamat, VVM-imik misissuinermut, illuliornermut, sanaartorfissagissaanermit sanaartornermullu atatillugu aningaasartuutit akilissagai.



Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissuteqaatinik tiguneqartunik suliarinninneq
2. Tusarniaanermi akissutit tiguneqartut
3. Pilersaarummut qinnuteqaat Villat - Niels Hammekenip Aqqutaa
4. Pilersaarummik piginnittup piginnaasai
5. Naliliinissamut immersuiffissaq
6. Pilersaarutitut qinnuteqaatinik ingerlatsineq
7. Pilersaarutitut qinnuteqaatinik misissuinermi najoqqutassaq
8. Inatsisartut inatsisaat nr. 34, 9. december 2015-imeersoq
9. Pinngortitaleriffimmik allaqatiginninneq

Punkt 8: Kangilinnguani / Ivittuuni kommunep pigisaanik iluarsaassinerup misissuiffigineqarnissaa pillugu siunnersuut

Beslutning

Siunnersuut akuerineqarpoq, aamma Sanarfinermut Avatangiisinullu Ataatsimiititamut suliassanngorlugu ingerlateqqinneqarluni.

Bilag

Kangilinnguani tunniussineq iluarsaassinerlu pillugit akissuteqaat



Kangilinnguani / Ivittuuni kommunip pigisaanik iluarsaassinerup misissuiffiqneqarnissaa pillugu siunnersuut

Kommunalbestyrelsimi ilaasortap Peter Davidsenip (S) Illoqarfimmik Ineriartortitsinerup Sanaartornermullu Ataatsimiititamat siunnersuutaa

Aalajangiiffigisassaq

SagsID.: EMN-2024-02062

Inassuteqaat

Kommunalbestyrelsimi ilaasortap Peter Davidsenip (S) Illoqarfimmik Ineriartortitsinerup Sanaartornermullu Ataatsimiititamat inassuteqaatigaa:

1. siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffiqneqassasoq

Suliassamik saqqummiussineq

Kommunalbestyrelsimi ilaasortap Peter Davidsen (S) ulloq 12.05.24-mi Illoqarfimmik Ineriartortitsinerup Sanaartornermullu Ataatsimiititamat aalajangiiffigisassatut siunnersuummik nassiussivoq. Peter Davidsenip (S) Illoqarfimmik Ineriartortitsinerup Sanaartornermullu Ataatsimiititamat Kangilinnguani/Ivittuuni kommunip pigisaanik iluarsaassinissamik misissuinissaq pillugu periarfissamik eqqartuisoqarnissaa kissaatigaa.

Tunngavilersuut:

"Siusinnerusukkut apeqquteqaateqarpunga pisattanut tunngasumik (ilanngussaq takuuk – akissuteqaat) tassanilu ersarissumik qulaajarneqanngilaq pisattat apeqqutigisakka sumut qanorlu pineqarsimanersut imaluunniit tunineqarsimanersut?"

Kommunep pigisarimmagit aamma kommunep pigisaanik iluarsaassinerup aqqissuussaaniikkut akisussaaffik kommunemiimmat pingaartutut isigaara tamakkiisumik qulaajaasoqarnissaa. Tassunga ilanngullugu aamma taqqavani ilisimannittuniit oqaatigineqartoq tankersuit marluk orsussamik imallit imaarneqarsimasunngooq, kiali imaarsimanagerai ilisimannigilara.

Qulaani pineqartut kommunep pigisaanut attuumassuteqarmata aqqissuussaaniikkullu pinngitsoorani kommune piginnittutut nalunaarsuisussaavoq, tamannalu nalilinnik iluarsaassinerup nalaani pisimannigipat misissuisoqartariaqarpoq kommunep pigisai sumut qanorlu pineqarsimanersut ilisimasariaqaratsigu.

Taamaammat siunnersuutigaara Kangilinnguani / Ivittuuni kommunep pigisaanik

iluarsaassisimaneq misissuiffiqneqassasoq, tassanilu periarfissat marluk tikkuarusuppakka:

- *Kommune (SAI-miit) misissuinerup qulaajaanermillu tamakkiisumik ingerlassissasoq.*
- *Avataaneersumit arlaannaannulluunniit attuumassuteqanngitsumik iluarsaassisimaneq misissuiffiqneqassasoq*

Tamatta kissaatigivarput kommunerput torersumik eqqortumillu aqunneqassasoq, uanilu kommunep akisussaaffigisaani iluarsaassinerup "erfattut" akuerineqarsinnaanngillat.

Tassami kommune pisussaaffeqarpoq pigisagut nalillit ersarissumik nalunaarsussallugit aamma aqqissuussaaniikkut torersumik unneqqarissumillu ingerlatsisoqassappat qanoq ingerlatsisoqarsimanersuq takussutissaqartariaqarpoq.

Minnerunngitsumik politikkikkut akisussaaqataasutut pisussaaffeqarpugut kommunitta pigisai nalillit eqqortumik aqunneqarnerat qulakkeerniassallugu."

Siunnersuut qanoq aningaasaliiffigineqassava?

- 1) Ingerlatsivimmut aningaasaliissutit iluanni.
- 2) Immikkut aningaasaliinikkut.

Inatsisitigut tunngavissaq allakkallu tunngaviusumik uppersartaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq:
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasisutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq

1. Kangilinnguani tunniussineq iluarsaassinerlu pillugit akissuteqaat

Punkt .: Imaqarniliap akuerineqarnera

Punkt .: Tamalaat

Beslutning

Imaqarniliaq akuersissutigineqarpoq nal. 15.22

